

乾隆丙辰奉 勅重修 宗圣庙碑

道之大原而流行於天地者其道统宗传在乎圣贤粤稽尧舜禹文汤武周公之道立训垂教虽有不同然其心得皆本乎一中至孔子得其心传而集大成道该一贯当时孔门弟子有七十之贤三千盛而一贯之道惟曾子得之因得圣之宗谥曰宗圣肩道统传之思孟以廣洙泗脈开濂洛關闽之源其为功烈巍乎大哉万世之久四域之远咸丰颜曾思孟四氏配饗孔子庙庭以崇其祀而重其道也三氏皆有特庙而宗圣庙在故土庆见彫剝莫妥厥灵者何也蓋由后裔避新莽之乱远遷而庙墓于焉不守阅岁寢远其制

遂湮至前明始徵宗圣五十九代孙质粹以下予同三氏世秩俾主庙祀於是庙废者覆兴祀绝者覆续可谓苟完矣自我

皇清列圣相承丕绩成宪凡先圣忠孝祠墓无不畢治今

天子师尊圣道加意右文念宗圣得圣学之宗宜崇庙貌

特颁丙府金万鎰改旧更新廣庙中峙修廊外列丹彩焕

发蔚为伟观乾隆十有三年春二月二十五日

驾幸 阙里 躬謁 林庙大礼庆成推 恩四氏 特命儒臣撰文

赐祭并 亲制御赞寿之贞珉益以祭器若干俾得罔有遗缺而翰

林博士兴烈尤蒙优眷锡賚有差由是荣胄有爵守庙有户供祭有田

陈奠有器凡诸典礼与三氏埒隆诚 圣庙之盛典也翰林博士因新
庙勅建徵记於作作谓庙祀废兴绝续之故前人述之詳矣而以

宗圣之学言之尝闻宗圣之楚妥学於孔子时年甫十六从遊最后闻
道独先在孔门自始要终孔子每深嘉与其立言制行见之学庸论孟
孝经戴记諸书甚备而其要本乎立诚故由三省之勤深契一贯

之旨当是时颜子已没惟宗圣得孔子之心传程子谓传孔子之道

曾子一人而已孔子之有曾子其道益彰 曾子之宗

孔子其道乃大如日月之永照江汉之恒流旦古今而莫
之息也故万世之久四域之远学者咸尊守这泯於

故土乎況於后裔乎余幸蒞邹魯之乡接圣贤之贤
仰大道之弥光覩斯文之在茲固知翰林博士克承
宗圣一贯之学三省之训而推斯以廣之行於家行
於域行於天下自身而国而天下安往而非道哉夫
成性继善受一贯之道淳邹魯之风廣唐虞之化以
继 孔子之道统兴 天地而无极矣故为之记

乾隆十有四年己巳春三月庚午光祿大夫總督河
东道兵部右侍郎兼都察院右副都御文顾琮謹譔